

晚晴簃詩匯

第七四册

晚晴翁詩匯

卷之三

晚晴移詩匯卷一百八十六目錄

閨秀

潘素心 一首

熊璉 七首

許孟昭 二首

姚益敬 十首

王瑯卿 一首

吳靜 六首

汪畹玉 十首

金兌 一首

袁機 十三首

袁杼 三首

袁棠 九首

袁杰 一首

王李氏 一首

任浣花 一首

徐畹芝 三首

任玉卮 五首

楊瓊華 五首

惲珠 十一首

佛芸保 三首

張學雅 一首

張學魯 一首

張學儀 一首

張學典

五首

張學象

三首

張學聖

二首

張學賢

二首

陳慧珠

二首

林頤

一首

胡緣

二十一首

梁德繩

十五首

曹貞秀

五首

兆佳氏

二首

高梅閣

四首

錢蕙纓

十一首

段馴

二首

金禮羸

一首

韓鸞儀

二首

韓鳳儀

二首

王玉燕

二首

孔瑤華

八首

劉文如

三首

謝雪

二首

唐慶雲

三首

劉繁榮

一首

阮恩灤

三十四首

王照圓

六首

方壽 四首

尤澹仙 四首

王綺 一首

盧碧筠 一首

陳勤 三首

孫雲鳳 十一首

孫雲鶴 五首

席佩蘭 十八首

歸懋儀 二十一首

金逸 二十四首

駱綺蘭 六首

錢惠尊 一首

于潔 二首

張敬庵 一首

呂福 八首

汪嫫 二首

金墀 二十一首

宗室蘭軒 二首

百保 十八首

孫蓀蕙 九首

蔣徽 一首

王貞儀 四首

許燕珍 二首

任崧珠 十六首

謝香塘

四首

李嫩

四首

陳淑英

三首

馬繡吟

一首

李如蕙

二首

王淑

十一首

帥翰階

二首

管筠

八首

文靜玉

十六首

姚氏

一首

晚晴移詩匯卷一百八十六

閨秀

徐世昌

潘素心字虛白會稽人知州汝炯女少詹事汪鵬之室

有不櫛吟

詩話虛白序梁楚生古春軒詩謂自髫齡隨父學詩
比歸官詹奉姑之暇恆手一編不置宮詹時爲學官
弟子問業於梁山舟學士偶呈閨中倡和之作學士
欣然爲之評閱且延譽焉虛白與妹亞白並有才名
嘗隨父任所筦會計雖牙籌縱橫吟詠無間從宮詹
宦游滇閩所歷輒見諸詩宮詹謝世挈子居京師四
方求序徵題幾無虛日親課
諸子登第者四人壽逾八十

詠古

一曲琴聲兩意投當壚貰酒不知愁相如空有長門賦卻

使文君歎白頭

熊璉字商珍號澹仙又號茹雪山人如皋人有澹仙詩

鈔

詩話澹仙善詩賦兼工倚聲幼字陳生嗣生嬰廢疾
家復奇貧翁請毀婚澹仙涕泣堅卻仍歸陳無以資
生不悔也其母弟固留同居勉從之日以詞翰自遣
旨近仙佛多了悟語嘗著詩話四卷略謂詩本性情
如松間之風石上之泉觸之成聲自然天籟古人用
筆各有妙處不可別執一見棄此尚彼又云詩境即
畫境也畫宜峭詩亦宜峭詩宜曲畫亦宜曲詩宜遠
畫亦宜遠風神氣骨都從興到故昔人謂畫中有詩
詩中有畫也詞刻南昌徐乃昌小團團
館閨秀詞中如皋詞家與王冠柳並稱

漁父詞

垂釣本無心得魚亦不喜隨意換村醪歸來月滿水獨酌
聽秋聲小艇蘆花裏

感舊

歎我浮生不自由嬌癡未慣早知愁弱齡已醒繁華夢薄
命先分骨肉憂親老偏逢多病日家貧常值不登秋眼前

俱是傷心事幾度臨風淚暗流
刺繡餘閒就塾時也從花裏謁名師貪看夜月憎眠早倦
挽春雲上學遲琴案屢吟秋柳句錦箋頻寫落花詩而今
回憶皆成夢悵望當年舊董帷

枕上

豆花蒙密掩蓬廬人卧西風七月初病似孤城頻受困愁
如亂髮不勝梳澄心未了三生業薄福難消一卷書際此
中年儘磨折焉知頽老更何如

螢火

水面光初亂風前影更輕背燈兼背月原不向人明

村女

柔桑枝上聽鳴鳩曉起提筐上翠疇借問誰家春夢好半

窗紅日未梳頭

菜花

尺土依然雨露勻
黃花燦燦蝶飛頻
朝來不厭臨窗看
也算貧家一段春

許孟昭字景班元和人知縣廷鑠女諸生沈之源室

寒夜曲

金翦生寒夜漏長
玉人纖手嬾縫裳
素娥偏耐秋光冷
來照鴛鴦瓦上霜

越女詞

一曲菱歌韻碧瀾
耶溪歸櫂日將殘
情多自易含惆悵
不爲秋深玉露寒

姚益敬字元吉烏程人世鈺女進士董暨室有芬陀利

居小稟

詩話元吉幼誦木蘭詩問父曰朔氣傳金柝寒光照鐵衣著色大雅若鋪排過多恐近小說父大奇之元吉卒父哭之云十歲言詩有性靈木蘭愛說替爺征黃泉不是黃河水聞否耶娘喚女聲

力疾作書寄外因題紙尾

尺素初題罷輕羅淚未乾離愁不堪寄聊復報平安

夏日雨後對月坐池上呈母

幽齋一雨過草木醒枯槁新月竹間明涼風池上好閒吟

忘溽暑靜話開懷抱豈必白旃檀始能除熱惱

以白旃檀塗身能除

一切熱惱語
出華嚴經

冬日同三嬪母夜繡

愁寂深閨歲向闌繡牀坐對一鐙殘頻添綵綫知宵永漸
澀金鍼覺指寒楚楚花枝香滿袖娟娟霜月正當欄幾回

明詩歸卷一百八十六
飲罷還相謂晝短工夫促較難

歲暮大雪書懷

富家無儉歲貧室少豐年何用徵先兆吾心只泰然

兀坐

兀坐覺宵沈蕭騷竹風發雪意到殘鐙虛窗半明滅

題自繡瓊林醉歸圖

上苑花開爛漫枝醉欹烏帽颺鞭絲馬蹏疾處紅將徧寫
出春風得意時

客中值夜

小窗雨過動吟情鄉思欺人睡未甯翦燭擁衾閒坐久冷
風吹月墮圍屏

夏日戲作蓮莊圖

人家多在藕花中
枕水窗開面面風
日暮輕雷遞前浦
冷香和雨入簾櫳

除夕

椒盤進罷夜猶賒
小琢詩詞報物華
莫道寒多春未轉
近窗雙燭已生花

春日病中對落花戲成

簷外東風春日斜
紛紛紅紫墮窗紗
蕭齋不是維摩室
天女何因爲散花

王璐卿字繡君號仙媚通州人舉人馬振飛室有錦香

堂集

詩話繡君繪禽魚花鳥得北宋人法于歸後脫釵典
衣佐馬讀書有不足則篝燈刺繡以繼之每遇月夕
花朝閨房唱和佳句流傳有女弟名兆淑字仙曉亦能詩

明倫彙編 家範典 卷一百六十六
四
答杏飈簡稟

滿囊文賦煥青雲半欲珍藏半欲焚宿有才名驚謝眺豈
非時數忌劉蕡美人日暮懷香草帝子中流倚碧雲翹首
纔知天自闊滄浪歌罷酒初醺

吳靜字定生昭文人諸生棟材女同縣項肇基室有飲

冰集

詩話定生歸肇基三年而寡無子自經垂盡其姑救
之曉以大義越二年姑歿絕粒七晝夜不死復自縊
爲叔母覺解其懸族親長者咸諭之曰三喪未葬小
姑幼叔未婚嫁今何不願乃強起理家事及爲仲完
婚爲季聘婦二姑並許字鬻產葬舅姑與夫泣曰可
以下報吾夫矣尋卒定生六歲讀孝經論語能知其
大義稍長習吟詠喜覽涑水通鑑既寡詩事遂疎歸
佩珊女史題其稟云守身惟康禮卓識在論史不是
女才人竟一奇男子

讀資治通鑑

雕蟲小技誠何用
屈子離騷尙未奇
若是杜陵無史筆
姓名亦恐少人知

雨窗錄先夫子遺詩淒然有作

共識生前吟好句
千秋知已有誰何
無非秋水蒹葭意
盡是春江花月歌
半載病痾吟詠少
三年夫婦唱酬多
小窗錄罷頻惆悵
暮雨瀟瀟助淚波

題扇頭畫菜

去年蝗旱今年疫
江北江南並菜容
若果畫師真好事
何妨持此贈司農

同舍弟展拜先隴

遠望松楸已泣然
行行到此淚如泉
牛眠未竟先人志
馬鬣還須後嗣賢
且喜孤兒能績學
可憐弱女不延年
龍岡

阡表清門事仗爾他年筆似椽

葬事畢誌哀

漫道佳城鬱鬱哉經營二載手親栽當年未盡晨昏養此
日空餘窀穸哀渺渺音容歸碧落淒淒松柏傍江隈泉臺
有路嗟難赴腸斷西風淚滿腮

臨歿口占

幼失瞻依長失天舅亡姑歿嗣無傳一身孤苦弓驚雁百
事艱難浪撲船此夕黃昏聊自詠他年青史果誰憐交親
莫灑別離淚我是瑤池謫降仙

汪晚玉字佩滋吳縣人同縣金學蓮室有佩滋存草

詩話佩滋幼失怙恃從嫡母自吳徙居平湖事女紅
奉養兼課女徒間有吟詠未嘗出示外人歸金手山
後見手山憂感之作輒泣然曰生才不易願毋以窮
愁自損歿時先自焚所作詩文殆盡手山於篋中檢

得詩五十首詞九闕爲序以刊其悼亡詩有云名園
各有歸來路一夢芳華別洞天自注佩滋嘗夢游一
園園多梅花香雪中不復知有人世矣予亦夢游一
園園多梧竹斗室懸琴琴無絃少凡三至其地稍長
遂無此夢豈他
日地下得敘耶

古詩

春來桃李發花開盈路旁路旁多行人及此風日長斜河
帶山徑疏柳明夕陽歲華豈不惜天涯渺茫茫恨無雙羽
翼遠逐晨風翔

中庭有一鳥不飛亦不鳴非不能飛鳴但恐凡鳥驚問鳥
從何來仙山杳冥冥白雲壯羽翼三年養始成有客知此
意見鳥兩傷情胸中起五岳磊落何時平

八月下嚴霜萬物倏已改四時良易終蘭菊與誰采芳菲
一朝盡零落竟何待